

PIETRO LEO

Pietro Leo, nàsciu in Arbus in su 1766, est unu de is inteletualis de prus importu de sa Sardigna intra su Setixentus e s'Otuxentus. Crèsciu in una famiglia de traditzioni, fiat interessau meda a sa scièntzia fintzas de piciocheddu, e duncas iat detzìdiu de studiai Mexina e Scièntzia Naturali in s'Universitàdi de Casteddu. Non fiat sceti unu meigu, ma fintzas unu circadori amantiosu e atentzionau. Sa carriera sua est stètia lestra: professori de Mexina e Retori de s'universidadi de Casteddu, at donau unu agiudu mannu a fai prus modernus is stùdius scientificus in s'isula. Pietro Leo est arregordau po is mèritus acadèmicus ma fintzas po s'impìnniu mannu tzivili e sotziali. Est biviu in unu periudu istòricu de difficultadi politica, e s'intendiat acanta de is movimentus rivolutzionàrius sardus e is bideas de melloria e giustìtzia. Comenti mèigu at sudiau is maladies endèmicas de sa popolatzioni sarda, fadendi de totu po amellorai is cunditzionis igiènicas e

sanitàrias de is classi prus pòburas. Sa cultura sua andàt de sa botànica a sa chimica, e is òperas scientificas suas fiant connotas e apretzadas non sceti innoi ma in totu s'Europa.

Pietro Leo s'est mortu giòvunu, candu teniat sceti 39 annus, S'acàpiu cun sa bidda sua est mannu: Arbus ònnia annu ndi onorat sa memòria, e at donau su nòmini suu a sa scola comunali.

Pietro Leo est unu esèmpiu de onestadi e impìnniu po su beni comuni, poita fiat un'omini de iscièntzia chi at donau sa connoscèntzia sua po serbiri su cambiamentu in mellus de sa comunidadadi.

